

有正味齋駢體文

有正味齋駢體文卷十八

錢塘 吳錫麒 聖徵

啟

約同人皋亭探梅啟

新正五日密雪連番淅淅峰腰香愁凍損垂垂亭角枝斃肥添  
候好鳥之催晴待東風之送暖折竹不愁其攔路看花何惜乎  
循泥來者吾徒眷焉此往則有皋亭山者乃伍公之分支也居  
民以藝梅爲生人家多與雲同住疎白無次妙香遠聞跡契幽  
遐趣標奇古半體已枯之樹玉掩萬鱗千年重返之魂苔垂一  
尺每當山僧書到樵客信來清鏡相思人貪索笑縞衣有請吾  
願催粧爲之齋三日之糧挈一瓶之酒門租小艇怡受者兩三  
人路指柳塘不遠者二十里約林逋之老鶴先導游筇借買島

之疲驢要馱詩料幾生脩到明日遂行今夫嘯儔命侶之娛訪  
古蒐奇之癖勝情相引二者交資而況賦迎謝后之樂詩紀伯  
顏之壘讀記則傳燈可續諮禪則明月如來當此竹風蕭蕭柏  
格落落踞石談虎斟泉咒龍不知筌路之脩但賸草鞋之快俯  
仰今古疎影與之徘徊攬雜鱗魚香光自爲開合今日定圓成  
乎好夢此身已圖畫於其間卽或薄暎未開餘飛更墮諒既堅  
乎鷗約可同聳乎鷺肩雷威聽松赤脚而登潛岳文禱促客白  
衣而會香山正其時也林岫皓然粉墨蕭瑟萬花同色何曾遜  
此三分百首先成只合多傾一斗

約同人消寒小啟

寒日易落殘年欲催籬咽風聲驚乾凍滴鴉團圓其偃樹雁寥  
窳以叫羣對影成三月窺杯而條去圖開數九梅引夢漸不歸

則欲豁羈愁抒吟抱豈獨維摩十笏閉戶著書挹婁丸鶴築臺  
避債而已哉而况重簾密護斗室新糊花戶汕窗占屏帷之福  
甌爐土鏗生筆硯之春門前送到唐花天外畫成晉雪人生行  
樂有物澆愁紅燭流連素波斟酌可乏消寒之侶同登捉醉之  
場價貴十千漫典衣而笑我徑開三益請培葉以迎君爰告同  
人特申成約今夫三世長者飲食方知八珍主人調和爲貴原  
不必侈專門之膾啟方丈之筵極選羹材奇搜食憲當此翠浮  
霜糞紅點冰盤菜甲方甜魚頭正美近市響賣餠之鼓斜街明  
炒栗之燈佐以小鮮恣吾大嚼但愁無肉能瘦何必食熊則肥  
也乎更有請者蘭亭之會各綴吟篇金谷之筵先徵罰例今則  
座皆舊雨人抱冬心倚竹忘寒聽蕉耐冷青檀風味知有戀於  
分陰白職生涯貴不持乎寸鐵香烟未斷鋸屑爭飛翠德惜惜

松格落落但快珠璣之吐自逾絲竹之陳嗟嗟人海半生一簪  
髮短天涯何處幾个朋跡幸歲晚而論交就儒酸而得契杯將  
斐尾歷易開頭醒向神茶終歲能容我懶醉如司命今朝幸恕  
臣狂瀝殘竹葉而何辭吟過杏花而亦可半天墨潑定看酒氣  
成龍深巷人歸試聽犬聲如豹

荅 皇十一子成親王啟

得奉教書循覽再四非恒寵賜鏡飾爲慚伏讀巨製太白集詩  
尙論古人自鑄大冶燭前疑於方寸發舊滯於曩籍使青楓之  
懷不隔於夢寐明月之酌有鑿天幽微管之翔鳳鏗鸞震盪耳  
目西愚東鄙鑽仰理窮惟謹輿橫玩耽秘爲瓌寶承詢郊居之  
况情所欲宣計自旬月以來人事罕接暑潦旣盛息車杜門藉  
樹迎晨弄水送夕書書及榻時浮若烟紅葉出波漸瀟然蝶蠅

噪萬翼魚遊百頭高吟柳間俯眺花外時或暮天澄霽因擊鮮  
月酌據石星眠離涼風灑襟零露沐首落落然未之覺也所惜  
莽質焉樹奢願莫償流螢入帷罕窺車子之靈叢蔭蔽屋莫肄  
素師之書有負景光無益清暇殿下棲心重仞洞志潛淵既發  
之性靈益振之學問開篇証古則風霜萬壑時訂正明之紀  
事本末一語命牘傳  
今則金石流韻猶復下勤芻采彌慎菲遺索觀卷施閣詩文集  
附錄三臨此才晚出楮墨已多盼睽所加定增光寵涼秋啓候  
伏望與時節宜不備

謝張瘦銅舍人惠佛手柑啟

承惠佛手柑一器種傳西竺金鉢曾供帆卸南船瑤筐忽逮兜  
羅繖軟般若光圓乍舒手而出香宛照掌而見果請徵梵夾爲  
助茗談昔者菩薩應身千手具足修羅大力八臂重安均此神

通幻成輪相借樹王而涌現引花季以紛拏印結心頭禪參鼻  
觀明明見月隱隱擎雲妙諦無邊儘見天龍豎指餘酸未了慣  
逢措大張拳證果已成拈花欲笑懸槐似我解嘲徒藉乎坡公  
長爪如君善學真同乎梵志願彈餘之甘露潤普大千仰覆處  
之高雲禮先合十

謝阿廣庭公相惠熊掌啟

蒙齋熊掌二枚蛙莫爭肥魚難比美臚經撲後獵火青田痕認  
舐餘糟香紅透駢藉下錫竟同雞膳之雙鷲逸自成不羨鴉生  
之四其學慚豹略詎敢批胸相不虎頭徒能食肉望游仙之路  
導引無方誦招隱之詩蟄藏有願乃承嘉惠得味珍滋靜想英  
姿不落空山之地動古食指齋香小雪之天欲喜從心夢猶藏

德

謝友人惠茶扇涼鞋竹席啟

丹雲不卷白汗頻揮齒望梅津身思柳躡踏層冰而未得眠幽  
石而空期蚊熱難怯蠅營莫避昔人齋酷吏於大暑比長日於  
小年良有以也何意解人可索嘉則遙頒寤寐三秋清涼一劑  
認綠塵之起香碾吳天勝白羽之搖名專蜀府葛屨五兩精赤  
腳而拖裝湘簟一條薦頰肌而滑多遂使清風習習而生厥明  
月團團而入懷課僕澆花最便替徑枕書攤飯恰稱藤牀如展  
北風之圖宛入西湖之夢敢申陳謝兼布涓誠我可語冰君其  
慎夏

謝于健園同年惠湯羊啟

黃剖全腔紅披細肋獻近躋堂之候頌因祀竈之餘憶大官之  
庖難忘燒尾配名士之酒輒欲掀髯固知味奪鱗胥品高魚膾



也。已伏念因下素絲，願節黃耳，占祥憫癯，首而陳詩，辨冷毛而肆禮。坡前芳草，有藉生情，洞裏癡龍，方教送澤，乃叱未起。仙人之石而調，已成學士之羹，特憶老饕，爲供軟嚼。僕蘇文頓，熟揚路悲岐，嗤爛胃之無能，苦迴腸之易結，借書客去，徒望東脩之資，送簡人歸，已下斷屠之令，餉忽逢乎今日，籍似定於前生。染筆難酬，編蒲莫頌，嗟霜催旅鬢，頻驚熟脾之光陰，雪壓田家久曠，鼎羔之風味，所幸寶筵，繼緒朋酒，歡娛喝瑩，未停承筐，又逮吟旌，高卓何妨，肉袒乞降，夢枕低迷，只怕菜園踏破。

謝戴可亭同年惠法苑珠林啟

啟：榆櫨而精搜，熱旃檀而冥誦，則龍宮萬笈，鹿苑三乘，多倍備書，繁逾朝典，烟海欲窮，而無際津梁，未迷而先疲於意，云何我聞如是而已。若法苑珠林，實乃唐釋道世所撰，蓋標竺瓊之新

致而創貝幾之類編者也窮乎三劫以前極之四天而外其事  
壞詭而可喜其詞耀黠而能工若夫罪花燻種之因狂象睡蛇  
之譬尤資鑿戒匪僅銷張花四散而唱綠貝三吹而說法可體  
繪那羅之戲變相悉呈轉鸚鵡之車翻瀾不竭也已僕泥融朱  
覺筏喻猶迷好談杜撰之禪徒滋綺語之債何幸靈文不貲慧  
海潛通頓修般若於今生免墮泥犁於後日任操板筆記似戶  
頭如賜得瓶歡生窮子體應投地敢忘受寶抽衣量只飲河莫  
笑將銅揲腹

謝梁沙泉侍郎惠糟蚶啟

介氏支苗醉侯風韻潮回秋雨肥分一稜之田燈上春筵清佐  
三升之榼縱橫刷白窈窕藏紅遠處緘封箇中醞釀破酒人之  
宿醉叨君子之餘甘合眼懷鄉朶願觀我僕學踈爾雅徒有慕

乎魁材議罷食單久不登乎俊味當此候交三九浩少十千每  
憶鳥相塘邊黃蘆斷外捉爬沙之凍懈捕乾蕩之寒編未免夢  
引江湖儻生口腹乃荷承筐有速惟錯爲珍質已脫乎泥塗狀  
不嫌其瓦合讀最純之賦洪豈無徵騰逸少之箋佳斯可噉前  
身供養曾參米汁之禪蚶以米泔水  
變之前肥後日加恩永注糟邱之籍

謝徐鐵崖同年惠歛石小圖硯啟

閣下具鑒物之明任校文之重手提玉尺口授金針山川貢姿  
不迷圭璋之器雷雨効澤咸借蛟龍之池嘉惠一時榮鏡當世  
乃復究材於巖窟之際別隱於烟霞之區英英白雲瑣朕養之  
千載采采流水山骨斷其半稜質勝馬肝名高龍尾無費南唐  
之務何愧鬱林之裝若僕者鑄鍊空期守元將老石猶生我徒  
有慕乎良田墨乃磨人祇自慚夫眞手亥忽一規有錫寸璧同

珍攻以他山照之古月從此毛雖得刊文字策勲垂蝸蚪之寶  
銘飲蟾蜍之玉滴執穀執蒲之醴願視子男投桃投李之誠敢  
忘朋友

謝許修門惠石首魚啟

承惠石首魚若干枚上市猶稀于錢難得充庖匪儉一箸可憐  
徒思南土之產腴轉覺北方之味俊了沽昨日方有候於冰船  
卯飲今朝已新調於雪碗實飽故人之惠敢忘君子之美然而  
玉飯金齋配以蓴絲而始美赤腮黃尾蓋之荷葉而偏宜則欲  
盡解清饑頻供大嚼要必居近江鄉之路歸乘烟水之船而後  
苦棟花時黃梅雨候南風五月一網千金和蠶豆而齊登與鷓  
桃而竝薦足使酒懷愈暢鄉夢俱圓幸煩菩薩之指迷竊慕神  
仙之遊戲但願霜毛長後便學鳧飛莫待玉骨枯時方思鶴化

聊述鄙隱兼達謝忱

謝陳師竹惠桃花啓

沙頭浪活溪鱖初肥竹外花繁河豚又上正擬尋揚子之舊邑  
訪謝公之新城散寫羈懷延娛春日而乃分從露井宛見彼姝  
來自霞闌如逢此豔笑移流水影帶斜陽玉札借傳染魚箋而  
更麗銅瓶低浸映人面而逾鮮可謂情有贈而必深意不言而  
自喻也已嗟嗟滿天紅雨誰澆酒客之墳隔世青山易歇漁人  
之夢而吾與君異時俗之醉醒借名花爲獻酬榮辱兩忘物我  
何畛清尊有頁步屨當來同在春風庶重門之不隔相逢異地  
冀別恨之能消

謝尤水邨惠酒器啟

水村居士文成玉海詠古雲學讀名士之離騷作酒人之南董

每歌哨過自負大瓢偶到田家便傾老瓦家具若忘其少飲器  
不厭其多芴草描缸蓮花洗鮮劇於十五女幾度摩挲沽有三  
百錢隨時斟酌曾邀明月影卽成三忽伴朶雲經還拜五秋高  
氣爽正憐此日之光陰雨過天青恰稱耆般之顏色僕澆書未  
暇頌德徧工陋庾子之竹根小坡公之蕉葉一石亦醉斗升恰  
何所不容三雅橫飛伯仲叔居然並至如荷百朋之錫可謀永  
夕之歡從此葉落花開露初星晚坵來蟻甕犯或卯時配以蠅  
螯持須左手只防羽化敢不什襲而藏願共拍浮還將拂拭以  
待

謝江耕野惠臘八粥啓

記消寒於北地九已交三溯浴佛於東京臘剛逢八展祇林之  
故事起比戶之炊烟香積如來尙虛乎左鉢山家清供早出乎

中厨腹果一胡口香三日蓋其擇從高廩脫自新春甘稱飴澆  
芳宜果雜濾清泉而乳白候宿火而熤紅醪面同敷膏環足配  
迦留乞麪何須舍衛城中牧女獻糜卽是瓶沙國裏固宜禮樓  
頭之席燈響動木魚踏簷畔之冰牙饒生香鴿僕青氈閑歲但  
隨粥飯之緣白髮催年漸熟巾瓶之趣願證伊蒲之三昧敢啗  
此米之雙弓有藉餘芬請申成約例須聯句毋虛銅鉢聲敲飽  
起巡簷好趁蜜梅花放

謝任畏齋都督惠蠟啟

西風幾日難遇酒人幽火一星正尋鄉夢眼波飄瞥看茶鼎之  
圓生指爪爬沙聽琴絲之則捻苦憶江湖之滋味怕虛黃菊之  
光陰亥日曾占丁沽屢問當市喧之未動料霜信之猶遲忽傳  
數輩之來何止盈千之值纔寬補瀝繁熾漉漉含貴蘇蘇

剝紫怡逢八月最愛團圓足了一生肯孤左手肥趁稻芒之飽  
饑守閒顏香經皂莢之添醉俟無恙新詩未換嘉惠先承不勞  
講食於門生何待加恩於水族供尊前之風味答箇今朝念渡  
口之蒼茫緯蕭前夕水鄉慣住莫愁爾雅之誤入茅店方來幸  
勿制詞之笑我

再謝任畏齋都督惠菊花啓

前蒙餽解餐德未忘茲復惠下洋菊十盆天生左手特令持螯  
地異東籬遺教對菊踏殘黃葉送到白衣一例詩清十分秋淡  
如君真賞能憐晚節之花共此素心合續重陽之酒寫西風之  
一度蝶瘦蠶寒上明月之半枝金迷紙醉每憶訪秋之侶都非  
捉醉之場草橋之花戶不來燕角之禪房已歇斜陽易老短簷  
徒羞幸佳種之能分覺古香之可把餐如楚客藉充寒士之糧



酌有鄰泉願益先生之壽

謝張船山檢討惠高麗墨啓

承惠高麗墨一挺上有翰林風月四字昔李公擇贈東坡墨半枚其印文曰張力剛云得之高麗貢使今則圭璋特達抱全璧而無瑕風月常新助條冰而亦豔海雲滂起迎到龍宮島翠紛飛結成螺子足資博物豈慮磨人染俟楮毫藉跋吾妻之鏡李集有跋高麗鏡云吾妻鏡五十二卷亦名東鑑所入姓名未詳疑亦因書也載同書畫須招我友之舟塗面何慚東國中世丁皆用墨等銘心易既

楊莊舟中謝程也園吏部惠枇杷鱒魚啓

食單河北但數雞豚鄉味江南已過櫻笋忽頒珍品頓豁羈懷金彈承筐銀鱗出網候雜梅黃之雨信過時曰之風入貞觀之帖中早高百果來富春之江上足破干錢舌底嘗新心頭感舊

開門花下仙人雪屋之詩引著尊前幾載糟邱之夢行蹤猶滯  
於異地食指忽動於今朝願證冬心毋忘歲晚倘牽秋興更佇  
風高別餘味於殘牙奏深情於短牘嘉名可頌不妨虛擗兼膺  
芒刺何嫌敢與海棠同恨

謝羅兩峯惠自畫鍾進士像啟

綠衫烏帽儼居進士之班努目矚鬚能奪羣邪之魄陰風動壁  
沙雨吹林竟緣周禮之大圭遂創唐人之小說爭夢中之捷徑  
遠下終南驅世上之游魂願投有北於是乎慕之畫聖口歷借  
頌記自藝林天中可證矣而先生閩人厭熱畫鬼求新遊游戲  
於丹青寓詠諧於粉墨氤氳扇底小妹徐來吉莫韡申老偃暗  
泣精靈走於腕下骨像異乎人間爲禦五窮請張一臂嗟乎海  
棠妖嬈方貽晨牝之憂穉荔道窮奚慕強梁之食在老鬢不無

餘憾豈吾人能借明威而况僕者求福不能忍飢已慣受抑掄者幾輩坐虛耗者半生既積習而生常將開徑而求益乃荷殷勤之贈敢忘供養之誠黍角一盤蒲尊三獻馨香可達無須後者爲糧面目難憑却笑前人作俑敢申譎語敬謝高情

荅江孟卿以北征小稿索評啟

承示北征小稿雲霞鬱其峭嶠山水發其幽微可謂琴言獨清松格自古者矣念夫呼船待渡駐馬書鞭落日大梁膺登臨之冷涕蒼烟古蘄流激楚之長吟旅味初諳游情易壯故能搖毫成色擲地有聲僕樹腹久拐山肩徒聳音未諧夫沈賦論致效乎鍾評讀罷一編眷馮三歎筆壺盡洗歌吹無譁毛穎通靈正賴江山相助索郎有顧好來風月同談結桂斯申披蘭載佇

謝李青原惠藥啟

僕有愆慙疾無術蠲疴伏枕獲福蒙衾隱苦號匍窮而不得求  
雷爨而誰知結局東風孤引看花之夢關心舊雨徒聞禁酒之  
箴展轉兼旬破除何日乃蒙高軒遠降大藥重頰經營咬咀之  
餘對酌刀圭之用啟軒光之竈靈液流春剖太乙之丹神香辟  
惡石能生我乃襲余求匪三年讀如七發惠之隆也感可言  
乎嗟嗟身本如蕉惟愁破碎肘將生柳易患支離幸青鳥之有  
貽似頰鱗之得甦本擬蔽心馳造端褐握從而虞阪傾軛未忘  
前覆宋年退鷁猶怯回颺敢藉柔毫先申愚悃附承動靜不盡  
區區

謝李誠國明府惠銀啟

辱承綺札兼惠精鏐三品同珍十流比重氣能夜識知君子之  
不貪俸肯遙分賴故人之知我僕青春漸老髮每驚添黃札徒

營根還誤讀當此長安歲暮攜旅天寒炭貴雙鳥雪愁三白臺  
無避債之所火乏燒鉛之方乃荷籠頌如加溫煦足使新增酒  
券了却當爐舊製羊裘贖回質庫巡簷先笑一枝更勝乎春風  
傾篋猶豪三日未銷乎素霧

謝楊米人刺史惠筆啟

佗來承惠湖筆一匳露訝秋垂煙凝春動宣城三管足慚學士  
之書汝州十枝獨擅仙人之製銀河洗出翠羽裝成膠漆有徵  
兜登可傲恭惟閣下文雄拂瓦帖妙籠鵝珠玉縱橫傳鈔十手  
雷霆精銳辟易千人指揮無待千退鋒投贈亦期其脫穎讓君  
白戰能寸鐵之不持破我黑甜已萬花之欲舞所愧蓋芽久歛  
釵股難工職不中書相非食肉敢望歐陽之助潤業同君苗之  
欲焚受賜先驚錦心曷已夕陽歸路願耕坡老之石田枯木寒

天且謫嚴家之餓殍

謝陳師竹惠寄所刊時疫大意啓

前荷手札兼承惠寄所刊時疫大意一書竊念時疫者陰陽相  
薄寒熱交乘古人棘矢春殿挑孤冬贈類皆藉蠲邪於假子資  
效崇於巫師然而支蘭之藏未窺禁要之方莫授縱桑田之我  
當將麥麴其誰呼先生仁者愛人醫王救苦黔丹之氣上達於  
帝軒奇咳之經遠師乎臣意肱經九折垣洞一方觸手生春從  
心得矩鵲山可仰何憂杵臼之疴魚腹先將足解相如之渴謹  
銘肺腑附候起居

謝查小山比部惠江珧桂版

承惠江珧柱一器丁沽俊味甲族珍滋未經北客之嘗乘先借  
東風而送到漉之活火配以醇醪玉版銀輕雪融齒豔冽倍翁

之韻格詎美羊腔證坡老之清談足方蘇崑合宿醒而俱醒  
食指而猶搖口腹殊饕餮論加恩之薄江湖在望彌催挂席之  
思

謝宋芝山同年爲畫江村消暑扇頭啟

文從到京往來輒左兼之淫雨匝月橫潦溢涂每一思之覺所  
謂伊人宛在水中央矣昨山尊札來忽頒畫扇知其藉君點染  
助我清涼草閣三間江村幾樹荷花招手片月已生鷓鴣狎人  
停雲不去進田家之老瓦鋪竹下之長鞭得趣彌新棲壑自古  
被清颺於塵而通秋諾於歸心以當招隱之詩可尋遂初之賦  
敢拜嘉貺如禮導師

九日河西務舟中從楊米人乞酒啟

重陽今日孤艇前津烏帽風欲白衣雨絕如斯敗蘆有過催租

幸遇監河能無借潤乞取青州從事寄聲東道主人菊花已擲  
平滿頭鱗鱖正持於左手專待索郎見顧翹生枉談足以解情  
饑破旅寂也敢申短牘兼致別悰因乘竹簡之流有爽石頭之  
治如欲策取醱國決勝酒軍拜賜之師俟請吳日

謝同人惠草堂贊啟

僕玉川破屋原千繩樞每欠伸而扞頭將移船而就岸俯仰只  
立錐之地穿漏如自函之亭爲賦閒居積琴書於臥榻有妨幽  
憂憫鷄鴨於比隣因擬稍戢數椽別營半畝蒔花八九種栽樹  
兩三行畜彘容之難取以供母貯步兵之酒兼用娛人但寄高  
十五之貲卽償負半千之願乃荷文加十賚詩錫百朋幸金諾  
之不渝喜玉成之可待如公瑾之推其宅且共有無如少游之  
大其閑復商位置烟波能引之到眼魚鳥亦來若親人遂得小



占東阜遠同西嶺比之高雲佈蔭豐澍垂甘不是過也自慚土  
木之姿有負瓊瑤之報畫村夫子之相只稱移居更齊大夫之  
廬已非近市妻孥得所重僕皆歡將祭竈而請隣咸醉酒而飽  
德所望廉泉分我愈身振乎清風大厦庇人更心閑乎寒土用  
酬款款致佈悃悃

謝李味莊同年簡中鮮荔支啟

歌殘紫府空餘片段之筐寒籠紅雲易換樓羅之歷如謂美女  
破舌尤物移人豈真口腹之營即致珍滋之累然而取新取熟  
惟慮過時變色變香安容遷地風亭雨過黃蒼炎消或買夏而  
論園或會樹而共食是以圃舉曰博諧重君謨心乎愛之不能  
忘也何憚筠籠送到羶絲絳珠幾幾分將非弄艷雪熱心早洗  
笑口先邀方知海上之雪帆足賽塵中之麟騎啖來三百顆且

曉老饕呼之十八娘安能忍俊遂使潤生病肺渴解詩腸敢同  
班柱以說人其勝木瓜之投我倘使簪逢蠻女宛留風露於釵  
邊如教品定狀頭願薦芬芳於座上

謝喬鵬村惠松江布啟

承惠松江布十疋潔逾白紵軟賽黃絲分大夫五緘之華陋齊  
相十升之儉描紋蹙浪剗取澄江疊葉交花翻成異樣與南金  
而共貴同東綢以相遺竊嘗產論揚州材微馬貢絲棗旣滑其  
實吉貝轉竊其名白氎表於南溪胸衣稱於梵夾直曠繇於唐  
未始衣被於江南得廣蒔植之方兼傳紡織之法採涼花於沙  
渚喜過風潮鳴夕杼於村閭聽翻雪瀑每憶月落雞鳴之候霜  
清雁斷之天一穗油燈四圍破壁貧家夜短大婦思長未嘗不  
淚共梭穿腸隨緒結爲他人而送暖令我輩而關心丁娘子橋

邊敝廬誰訪黃道婆祠下舊社安尋既承君子之施彌念前人  
之德則鄭緇拜貺秦纒銘恩重比七纓珍逾百鎰風流老去羅  
裁陸子單衣奩具典空且製四婆裙子

謝朱纓亭惠太湖備考啟

三萬頃湖環震澤匹練平鋪東西而山峙洞庭雙螺涌現其中  
菱蒲之產橘柚之租冗毛絲羽之宗名蟹佳蝦之族蘆敷殷阜  
葦育繁昌居之咸有以怡生游者亦因而忘返更有千澗百瀆  
往渚還汀鏘鳴若環篆折成字每當荷花消夏雲錦被唐梅樹  
浮春香雪鋪海莫不臨風結賞望景爭途僕躡屐屢遂投足無  
所欲入山不爲生客須濟勝先乞導師乃蒙地志寵貽山經惠  
速能使眼明粉本指見螺紋辨廬井而知炊白之鄉企煙霞而  
得梯青之路有時藥勸可當臥游如用餽貧卽爲詩料讀教三

日橫愧一瓶雲霧深局卽是靈威之秘笈江湖獨浪此爲笠澤之叢書

謝李紫庵惠牡丹啟

俾來蒙惠牡丹八盆一尺如盤五色兼麗分自洛陽之種開逢穀雨之辰來七寶之闌邊洗粧初罷壓百花之頭上解詔偏能含廟露而貽將褻明霞而送到伏念足下天工在手月令能箋護持先在手根苗愛惜預防乎風日而况地隣歐浦家近祇林浥江水之肥仁借佛香之薰染牙牌票出多爭上品之名園戶評來足抵中人之產每當錦圍初卷雕珮頻翻艷豔呈姿迷迷作態耐過卯之酒密影交扶展正午之圖圓光對涌僅須武媚比合環肥固宜花葉書殘闌干倚遍僕生成寒儉訪富貴而先慚學弄丹鉛買臙脂而巳晚何意衣方雲想檻已春移竟令淡

泊之儒門幻作繁華之世界敢忘投李尚請發棠乞騰待於明朝定許贈之芍藥祝風光於本地讓君看到子孫

乞鄰人分竹種小園啟

豈種渭川須論千畝但聞老屋欲借二分當我里之方遷無此君而不可南風幾日漸熾解之過墻小雨連番已蕭蕭之入耳雖子猷何曾問主而微生慣要乞鄰倘能鴉背刪餘牛腰捆致引肺腸之芒角醉趁今朝展面目之清涼秋分五月足使破窻補綠醜石蒙青土軟培根苔肥助色用表吾人之直節實承君子之虛心從此玉版老師家風立證梅花和尚墨派同看明年分餉貓頭德寧忘報此目斷除豬肉俗正須醫所願嘉植常留高陰永覆平安有例健如壽母年年長養無心添取雛孫箇箇

乞陳秋堂表弟分印泥啟

千秋風雨常留紅沫之痕  
萬卷圖書足煥朱泥之色  
則夫雲腴既琢石凍方  
鐫藉丹雘之施長細純之  
價苦窳小抑過一角庶  
成珍魚腹親織歷三年而  
不滅是必昔華之畢采而  
後調合之能良足下鐵筆  
稱工印人自署春丹筆之  
一卷織霞機之九張每當  
長札綢繆短書鄭重光交  
蠟淚影活猩雲因泚尾而  
邀青儼推心而示赤伏願  
誼敦與共情念有連分勾  
漏之藏檢冰臺之蓄碾珊  
瑚而作屑搗香麝以成塵  
調之百煉之油膠以三庚  
之目雪方池裏有待分頒  
銅博山邊好憑密貯愧竊  
芝之莫報冀製錦之先貽  
正宜鈐什收藏趁新裝於  
玳瑁只恐印來顛倒發淺  
笑於玫瑰

有正味齋駢體文卷十九

錢塘 吳錫麒 聖敬

徵啟

徵陳母黃太君貞節詩啟

夫拊含貞之木而感漆室之女悲履懷清之臺而嗟丹穴之人  
智當其三辰莫告一死靡它塋篋之曲難終菴菴之心獨苦豈  
不身拚化石志決靡笄而遐稽鍾萬之徽尤尙從容之節者誠  
以純鉤之劍經灌辟而後成歎冬之華閱冰霜而斯耀也然而  
青陵結恨生本同功黃鵠興歌哀惟早寡皆始盈而終戾亦先  
笑而後號未有裁就嫁衣便成怨蝶聘來玉鏡但照孤鸞守白  
璧之無瑕以紅顏而赴義下姑嫜之拜身未分明憑夫壻之棺  
容難髣髴如陳母黃太君者尤栢舟之特操壺史所僅聞也已

方其玉勝發祥金梭流彩稟柔嘉而表度崇芬惠以翔聲證明  
月之前身修成雪魄對梅花之古樹照出冰姿靜女其姝善心  
爲窈有美離瑜之色何憇坤扇之緣見佚女於有娥媼媒來告  
得公子如敬仲鳳卜宜諧果使歌自行以成雙結綦巾而偕老  
嘉耦曰配抑又何嗟無如房中之曲未調天上之棺已下綵雲  
易散錦暗天孫玉樹先埋風淒少女時也迢迢綺閣窈窕蘭閨  
紅墻方隔乎彼河白蜺胡嬰乎我室龍涎不熱心字灰寒鴛恩  
都非針神巧盡不信營魂之失俄傳消息之來身視銖輕腸幾  
寸斷堅石爛海枯之誓易惡筭鬢鬢而臨良席未親空剩游仙  
之枕女牀纔下卽是望夫之山嗚呼痛哉况復盤匱莫繼塵甑  
炊難堂構誰承楹書靈易口衍碑而安語袖倚竹而逾寒喪子  
喪予慟所天之不見類我類我慰在地其何時於是辛辛牽蘿



交離血緣以婦代子體循咳之歡將姪作兒勉折奠之敬每當  
荒雞啼旦新雁啼涼盡荻無聲留燈有影魄鍊炮燭之石淚傾  
鮫女之珠雖小姑無郎嬰兒不嫁無斯煢獨莫喻感遺至霜  
節彌高共仰凌霄之竹書香不沫漸馨入室之蘭潤蘭絲長單  
鳧調遠然後知託臣許國早定乎委贄之先也烈士殉身轉出  
乎存孤之下也今者大吏重轡軒之采  
朝廷隆褒錫之恩降雨澤於

九乾勵風徽於萬古

絲綸煥日棹楔標雲節以離明兌將坤應松柏壯三冬之色栴  
檀飛四遠之香回憶苦閱茶心勞經棘手筋車如故紙帳依然  
而精衛矢誠終銜乎壽木茗華紀美永劫爲貞珉不亦榮乎斯  
可述已所願儒林學士文籍先生憫悴葉於枯桐鑿傷必於獨

活各嘯烟墨同振詞葩或采錯乎十華或源傾乎三峽庶使青  
燈夙志闕發於文人黃絹新辭章明乎幼婦灑仙毫之五色齊  
化慈雲補女史之一編繼聲宵雅

徵張琴溪六十壽言啟

夫麥邱之祝邀禮於齊廷公堂之躋播聲於函雅乃至比齡旗  
翼等算嵩衡固知介壽以言其來古已然而大年可致非假乎  
游仙餘慶有徵要推之積善欲藉稱觴之助當求摭實之詞亮  
金心之勿渝幸玉體之自愛以祈難老如說平生故可樂也維  
我琴溪先生鷗貫夙成神明特異具絕人之識星本連天擅博  
物之名圖能盡地其燭事也爛爛若王戎之電其植身也森森  
如和嶠之松懷光暢幽修德獲報於今年八月爲先生六十壽  
辰玉捧蟾盤金舞麝天上之霓裳未舞人間之綵筆老僮敢

劾引墜用資潤色恭先生生於邗上家本秦川三世寓公一門  
情望令叔秋子松坪兩前輩聯裾蕊榜接翅木天棠棣之碑可  
刊於蓬觀驄馬之蹏復起於蘭臺並能無慕崇階早遂初服尊  
甫一齋先生推姜肱之布被躬炙重之廣居不出戶庭友於兄  
弟聽東齋之雨有約連床遇西陵之風無勞佇楫故先生得以  
陳腸月候奉饌花餘敬修婉婉之容親習怡怡之樂此承家之  
可述也內行無間於人言陰德自鳴於己耳季野四時之氣獨  
受春多叔度千頃之波交推量勝每以如苜警慮眠姪箴心惠  
及宗支逮於親串九族仰同功之火四方賴續命之田所以匡  
困資無揆羸匱死者其心無弗摯也其願無弗償也畫虎尾春  
冰之館閱歷滋深望廉泉讓水之鄉徘徊未已此制行之可述  
也枕肱之富旣積之等身研索之精更劬於焯掌故其補博士

弟子也凡歷三試輒冠一軍黃童爲江夏無雙紀瞻乃秀才第  
一方將泣強臺之牛耳馳弱水之羽車而乾蔭遽傾家督靡委  
移心積著之計有事羽鳩之司然且擁黃卷若百城觀青禮爲  
故物聚寧撞架好甚臨池涓辰練日以陳經引水抽絲而結字  
過丹鉛於手裏善比春明戀滋味於兒時勤逾冬學此篤志之  
可述也紅橋佳勝名園纒連每遇

時巡恒駐

清蹕先生謂獻曝木野人之禮傾陽亦小草之心是用五畝旁  
覩一區廣闊功成不日景取長春烟非烟而瑞靄流爾其雨而  
飛泉激得以寵邀

宸盼光借

天題至今露染槐眉霞凝松棟清輝被於林澈異藻溢於巖阿

復曰

萬壽祝釐

重恩優錫

絲綸之寶懸荷乎

龍光盤帶之榮有加於鶴序此

恩遇之可述也古有望塵請友置驛通賓著投轄之錄修見客  
之譜者大抵侈言縞紵之盛無益文字之資先生則遠曾真而  
移床避元規而障扇自以早櫻世務有間方聞凡遇澄覽博映  
之儒浴素陶元之侶鑽光燈而散裘緩春帶以命觴莫不契結  
苔岑愛均松柏良友相對今日何減子期美人不來明月輒思  
元度此善交之可述也夫人李氏玕璣薦響苜蓿流徽高致穆  
其清風勞心警其昧且河魴河鯉知大國之女宗佩韋佩弦授

高堂之母誠令嗣君銘膺戊午鄉薦今官刑部主政諸子各標  
秀異並極崢嶸犀角麟瑠於眼中鳳毛斐尾於池上宋延清能  
得一絕遂妙文詞邱希範纔及八齡已同氣骨金桃屬對玉樹  
蜚聲槐蔭方濃桐孫又長此積慶之可述也僕欽遲已久契闊  
茲多幸賢子之過從每令音之來告數騷人初度之歲最喜逢  
庚詠君子偕老之章恰符周甲而況家有傳學代不墮僚福祿  
集於一身期頤卜之後日自宜廣其稱述播爲聲歌附西流之  
魚錦緘可達奏南飛之鶴銅節須吹詩云俾臧俾嘉記稱善頌  
善禱夫惟大雅跂予望之已

王述庵先生八十生日徵詩啟

聞之昔矣有歲誦五經衣冠必謹手鈔千卷黃墨無癡者是惟  
禮副常珍年臻大耋而能希心理味回志元祺遂得播美於前

筵經奇於觚臚何況道熙邦采則炳其文謨職恨戎旃則奮其  
武怒身陟乎九州之八名兼乎不朽之三乃開逸老之堂尤劬  
緝摘返履道之里彌敦古歡如我述菴先生者在福州沖得天  
獨厚一旦介騷人之初度進麥邱之祝詞躋堂皆問字之人儼  
箇半執經之彥豈有夙承芻采雅荷桐裁而不樂爲先騶之引  
皇禮佛之唱導者乎先生槐承舊澤蘭啟新徵燈盞四鄰早辨  
於脫羸月令數紙可試之在髻固已囑解反三卷知破萬及夫  
邳張塹堦標舉風騷陳芳國中獨探麟篆大羅天上詞詠霓裳  
氣五色而凌雲筆一枝而畫日驚其偉論療劉子之膏肓投以  
英篇焚君苗之筆硯可不謂文成翻木業重藏山者哉論者以  
先生淳道載凝嘉猷允輯似當推尊元本鑽仰高深烟墨所棲  
無資彫飾不知先生之學問德性之符也先生之文章經濟之

實也細而名物象數畢貫於其中大而風土山川兼包乎其內  
用敢詳參往載醜縷生平少竭愚衷以供博採乃若紫荷奉露  
青瑣鳴珂人但知却公事之金秘溫室之樹而先生高掌遠蹠  
風舉雲搖有文陣雄帥之稱無鳳閣舍人之樣粲花著論摘葉  
成詞兩省迴翔

九重嗟賞廬陵爲名士之首益公真掌制之才比周昇逸之居  
中廿年爲少論王舉之之選士四入非多使仰承清禁之絲  
綸當作

熙朝之黼黻不誠盛哉然而騏驎在御非道遠則莫顯其材松  
柏有心不歲寒則莫呈其操而乃歲星中謫之日正時雨興師  
之時令狐桂管之徵先登奏牘李渥河東之辟本奉詔尋於是  
波路飛幟山郵躍馬逐猿啼於楚雨追烏夢於黔雲梧竹斑多



奇風異易微茫墮影峭精生胸寫懷於洪波廟邊弔古於碧雞  
祠下念前程之荒忽感周道之逶遲離騷之趣竊以深小雅之  
心婉而曲也既而遠陵炎徼僻極夷陬越銅壁之關渡大金之  
江地號紅洲山名火窟瘴雲撲地蠶氣噓天腥毒所蒸蛇絲如  
樹磔格而語烏蠻于人疑太古所未開竟全軍之策入每當大  
旗日落橫角風高警檄方催飛章又接墨磨盾鼻而無及米泔  
矛頭而更危幾欲乞良友而賦禮魂效將軍而謀裹革矣乃南  
緬之降旃甫暨而西川之戰甲重移則又睇紫邏以筭梯指青  
天而拾路石屋笮橋之險寒凌暑雨之艱加以巨礮駭心飛烽  
爍眼一軍慘淡已化沙蟲萬帳蒼黃咸驚風鶴先生就白骨以  
支几捉游燐而代燈夕草萬言畫馳十舍帶圍銳減髮采全凋  
而彌敦忠愛之忱獨任賢勞之役卒使十行露布爭傳倚馬之

文一曲鏡歌琴唱從軍之樂戎俘入獻大凱來旋酌服成儀殊  
珍荷

寵綴以纓珠而耀體重之翠羽以飾冠武庫在胸終食讀書之  
報毛錐得意仍叨稽古之榮

君之恩也臣之福也由是京華養志萱可忘憂喬木求聲鶯都  
出谷卿寺之官多清暇庭闈之奉有旨甘茅容之雞菲可餉客  
孟宗之被專爲留賓北海高明香山廣大絜華弦者幾輩飾羔  
雁者成行情往興來此倡彼和續茶籬之詩話商酒坐之琴言  
方欲圖誌漁莊禪參蒲褐而執法之象乃應乎外臺肅政之司  
更隆之方伯重德滄海兩識廬山殄滯亂於臯蘭拯洪災於平  
越必使清比西江之水甘留南國之棠而後端右相期春明再  
召好生之德恒

謂以有三麗法之刑亦用之警百乘輶數出洗獄皆空固知  
朝廷之欲大用之也今夫依雲捧日乃臣子之本懷飾老隱年  
又達人之深恥是以疏廣移疾得逸供帳之榮韋孟退征有當  
懸市之義先生懼衰安之莫可知

聖意之必矜歸志方申

溫綸已逮俾候歸腥於春水竟收穩枕於秋風野服江湖角巾  
田里或試謝公之蠟屐或闢申屠之墨莊擊石而吟聽衆山之  
皆響撫卷含笑見萬花之欲飛在先生亦何嘗不心念觚稜夢  
爭王室而宦情已淡詠避賢樂聖之詩書味偏濃修澗古雕今  
之業青氈還我絳帳招人此先生之本末不渝矣

聖主之生成無已地先生淹貫羣籍涉覽百家推步詳乎測天  
考核精於說地高密之學拾墜於禮堂召陵之書割疑于騎省

若夫細素浩衍倍於直齋之解題金石崢嶸過於歐陽之集古  
卽至鐵撥絃牙之句皮紙骨筆之書要莫不悉入蒐羅詳加採  
摭停靈在望風雅之盟不渝奮雨並傳湖海之氣斯振可謂崇  
舊在選表裏必行者已況復龍門之文遠游益肆坡公之作海  
外更奇先生幼賦涉江長而踰濟對金焦而洗眼仰離華而怵  
足流連竟日恒欲忘歸窮窅獻靈如驚知己迨至屬車陪乘究  
塞外之奇務稱從軍涉蠻中之嶮雖當長轂野高鋒雲而  
居庸紫荆辨喉矜於關隘龍溪雞足謔今古於巖棲故能形勢  
羅胸輿圖在掌其他宦途閱歷使節馳驅江山大觀旌旗小駐  
青柯坪畔紅笠衝風黃鶴樓頭羽衣坐月訪南陽三顧之宅禮  
文殊五頂之臺心與泉飛骨分山瘦雲留雨屨秋貯一囊人果  
能咀飲英華引伸旨趣緜山梁之真契懷北野之歎聲則德性

在其中經濟在其中然後知先生學問之深也然後知先生文章之大也今者吟筵慣紫峰湖如家健竹輕扶薜蘿在眼尋石湖之前夢湖錢唐之舊遊風景依依亭臺歷歷青山無恙常留著述之身白髮相逢重主蒼英之會瞻壽者之相古佛皆欽見老臣之歸閒鷗亦喜際此杖屨之慶同申獻壽之忱彩露承毫仙霞拂紙羣賢畢至大雅同登八座門生遙奏南飛之鶴七輿故吏爭馳東望之鳧諫算亥之能工冀受辛之絕妙所謂吉甫作誦穆如清風者庶可彰文武是憲之休崧嶽降生之盛云爾

募疏

募修祁縣學宮疏

代

周官九兩之職曰儒以道得名夫子數仞之墻諸生以時習禮是以文翁之化益部刀布相遺虞溥之治郾陽丹青並染要使

凡筵有秩風雨無虞而後良璞剖瑩瓌寶出焉幽蘭扇發馨烈  
流焉信乎士林之津逮在乎贊宇之鼎新也已祁州地重畿南  
星分昴次望春橋畔半讀書之燈解憤城邊盡鳴絃之室王子  
雍故封宛在而七經之學傳劉仲洙遺愛未忘而六善之教著  
固知虹含玉色鐸奏金聲氣淑於春化成自古兒童逐隊能爲  
俎豆之嬉槐柳成行卽是文章之樹特是賢聖之關至重丹牒  
之飾宜新而乃久闊星霜烟穿鳥鼠桴琴彫剝庠廡傾頽至使  
射弧葉之俎者草行牽束修之羊者雨立梁陰載缺綿蕝安施  
匪惟鄙人士之羞抑亦守土者之責也今者營室星明洛如花  
照具梁卯煇黃而卜吉計竹頭木屑以程功竊念金布祇闕尙  
煩長者豈有錢輸光學不羈羣公用敢告之通衢冀其盛事韓  
章具舉量鼓爭操庶幾一簪而爲山何待十年而樹木從此雲

焚耕就路可梯青月斧修成室皆生白聖人道大君子澤長食  
報何窮但驗科名之草落或有慶還聞絲竹之聲

募重刊功過格疏

神仙須立三千功方登紫府士子偶因一念錯便墮青雲則夫  
密室齋心閒情損德視如十日誣有三尸在幽獨方拈撫其短  
長豈吾人不灑濯其毛髮是以尼父贊易垂條殃餘慶之文箕  
子衍壽明休徵咎徵之理此功過格一書圭臬前人比陳往事  
意貞於冥報跡儼乎儒修灼入德之初枕亦警心之寶鐸也則  
有了凡袁氏贊揚善果標舉名言甘鞠錄而不辭旣徵應之有  
所自是厥後奉行者衆考據甚詳所守益虔其效彌著紫宮執  
斗先占陰德之星碧落鐫碑首注蕊珠之藉今覽其書搜株摘  
隱綱舉口張譬若無汜畫塗而彰善癉惡之旨見矣或者謂報

應之說儒者罕稱似乎心地福田祇牽乎陳說罪花燻種無驗於恒經不知魏亢杜回亦云結草晉夢大厲如見搏膺恩則魚鳥銜珠怨則鬼神瞰室雖云天道實本人心此卽稱釋迦爲天竺先生使權函丈奉孔子作儒童菩薩同住華鬘論乎福善而禍淫未可謂我仲而彼紉也是書流傳旣遠割剝頗多乃善本通神六丁攝去而麻沙易誤三家同登茲幸借錄於春明不至闕疑於夏五欲資衆力重付開雕細數洛義發鷲嶺牟尼之願敢操量鼓鳩泰山黎藿之錢伏望儒林丈人瀛洲學士知爲善之最樂信植福之有根覆篑爲山將金鑄字得似祇園布地結此因緣先教司命胡天乞君富貴用集成裘之腋宜宏不捨之檀化宇宙爲孝子順孫同是一家眷屬書姓氏於重花密葉卽爲千佛名經



募修崇寧庵疏

京師崇寧庵者乃崇文門外珠營之舊刹也近神木之厥園  
相連鄰淨土之堂中瓶可募余過維摩之十笏訪大士之雙林  
見夫赤華雜糝青豆蜂宿鬻珠難覓勝瓔珞以塵飄輪相全非  
比袈裝而色壞悅如上人津梁疲後緇錫來初樂恣情其府廬  
丹青憫其剝落僅餘破屋難憑柳栗支撐便坐枯禪也要蒲團  
安放不得已拓阿難之鉢踵檀越之門插草唱緣繞花作禮伏  
願現前菩薩再世宰官發無量心結最勝果或持糜作供而喜  
動人天或施柰爲林而輝生龍象合千花之彩高簇蓮臺累七  
級之功圓成香塔則回頭彼哢彈指化城捨之長者而彌珍說  
與世尊而亦笑莊嚴有象方知海沫之吹壚功德無涯普受佛  
家之富貴

秋雨庵募建瘞骨塔疏

披白草於寒原俯青苔於秋井陰煙半滅燐火四生楮幕將灰  
條衣不掩狐狸戴頭而舞烏鳶攫肉而飛縱死者之無知實生  
人所不忍在昔周官設除飶之職月令頒掩骼之條以置揭黻  
無穢虐士意甚周也後若劉昌埋戰骨於涇源陳向瘞遺骸於  
下德同歸厚何擇於北邙善乃陰行可方之西伯斯又推仁  
同類展義九幽均自効其慈心有足襄乎王政揚州地當綰轂  
入雜流庸騎鶴背而爭來景螢光而易燼鬼中遽執鄉夢俄空  
雖禪智寺前墓田不少而玉鉤斜畔露骨何多肩髀之家未成  
甯腰之山苑在冰霜刻劃泥草蒙糊慘慘成堆悵悵欲哭亦有  
生前華屋昔者高軒閤歌舞之場列衣冠之隊而陽春一去夕  
照相催花木屬予他人子孫降為鳥隸平時石椁墓祠焉之三

年此日桐棺欠劉伶之一鋪幽篁余處斷竹誰歌過之者有不  
愴悵博細靈歎頽息者乎則有秋雨應竹溪上人者餐大悲之  
飯燃無盡之燈哀此雨淋日炙之餘擇爲集朽藏枯之所欲使  
尸陀變相涌出千花蒿里游魂登之四果一坏可覆七級須營  
立脚非難合尖有待夫二花寄佛具有因緣巨象捨人可知根  
器所望十方長者再世宰官或指上而流泉或掌中而雨寶香  
煙聚處卽現支提海氣連時如瞻阿育慈航普渡高會無遮夏  
屋覆人佳城待汝生死人而肉白骨齊上化臺上碧落而下黃  
泉並通覺路猶慮食氣食香之輩炬口針口之倫焦種流哀藕  
絲纏痛是用朗鳴法鼓廣演瑜伽爲薛荔道而懺除設孟蘭盆  
而救度紙錢似雪香米如山大招小招聽酸文之唱新鬼故鬼  
慶歡國之遊成茲超拔之宏總賴檀那之助婆心無已苦趣全

離永謝蓬科長留塔相光能周徹兼銜明月之二分福不唐捐  
勝誦牟尼之千過

募建杭州普濟堂疏

夫惻獨之哀矢音於胥雅艱阨之賑奏職於鄉師先王存不忍  
人之心吾黨推汎愛衆之道恩風首被陰德耳鳴似蔭暘人如  
肉白骨在昔居養有院安濟名坊凡所以矜老恤孤養生送死  
者王道之本仁者之施也吾杭地據要衝人稱繁衍江湖通之  
一舸州火拔乎萬家聞鐘梵之清頌爲佛國論物土之美望若  
仙宸固宜比屋可封百姓咸給然而生愈衆則或羸或細之攸  
分食旣繁則畸富畸貧之不免乃若困窮莫告疾苦難言與少  
得瓶達無肺石顛連萬狀呼吸此生設非憐其涸轍之枯有不  
轉爲溝中之瘠者乎此普濟堂之建爲亟亟也世固有難同

戶之子牛衣馬食之夫犯雨衝風堪寒耐暑力能自任窮豈爲  
憂至於景迫侵頹形成銷鑠日鰥鰥而常醒言繭繭而已哀蓋  
衰年之感易生而又益之以病單處之身最苦而更重之以貧  
藥裹誰將衣棧莫熨酸風刺骨凍雪蒙衾嗟白髮之奚堪望黃  
泉其殆及我辰安在傷如之何亦或雁爪迷離萍蹤飄泊人非  
舊雨約誤三生客是秋風裝輕一葉蘇子無百錢之貨鄭莊乏  
千里之齋寒餓相等臙肱已極魂將游岱夢且迷鄉能無失路  
之悲難免窮途之哭若夫離鸞苦唱別鵠淒吟首似飛蓬心還  
集蓼樂安君之逝高族已傾京城氏之孀遺男安在伶仃有影  
憔悴無言人愴未亡心傷獨活此則嫠婦之緯恤本無多寡女  
之絲彈真欲絕也已又若扶扶赤子身僅負牀嗷嗷孤兒面誰  
雍樹實楊歧而莫問戀楚穀而恒啼固行路所爲慘傷亦入井

同其怵惕者也。即使負薪行及樹柵，已能聘村夫子而無由從。收豬奴而共戲，雖有懷靈蘊異絕俗超凡者，而過學流涕之嗟。讀書須福之語，自傷卑賤，祇益歔歔。稽昔所稱於今，同慨。今夫一夫不獲，王者引爲余辜，一人向隅，舉坐因之不樂。而況嚼齧噉僕之狀，日構於心，回皇愾惻之容，時接於目。同其食息而寤，壤有懸共，此根塵而茵溷，斯異是非六疾之館，長者發心八成之湯，隣王援手正恐瘡痍莫救，轉徙何之。貞柯於是遭摧，芳草緣之見刈，尚忍言哉，尚忍言哉。

聖朝深仁，覃布閭澤，潛敷憫猶病之虛懷，軫如傷之至意。一時守土之君子，種德之士，夫莫不赴義爭先，承流罔後。息焦原之跼，罷光野之整，同建福堂，各崇仁宇。吾杭亦有育嬰養濟諸善，果而宏規，未度廣廈，猶虛每逢餓者於鬻桑，安得老人之結草。

夫今能布地爭羨給孤豈錢可名塘轉多漏澤乎則有釋際仁  
者乃君老友高君伯陽也儒書舊肆竺典新繙證同世之法緣  
結今生之勝諦東澤綺語之債頓爾懺除禁南行者之悔居然  
眞箇捨鮑侃之宅則爾闢廣場捐訶詢之費則全空私積斐羅  
力猛菩提子堅乃復乘星月而行提鉢提函而至遠求法護  
共助圓成駛河之彼岸非遙苦海之慈航待駕斯固羣生之存  
豈非徒大會之無遮而已開示規條略窺梗概大抵敦行實惠  
嚴杜虛糜必使熙熙而上春臺渠渠而游夏屋雲臺所覆則周  
遍旒倪烟房相連則區分內外拯其垂死十全爲上之醫教之  
始孩三冬足用之學或有鬼中遽執恒幹終捐蒙後事之矜短  
生亦樂免前和之見長夜皆安其制甚詳其功甚大不惜十年  
而樹木實賴衆志之成城所望現宰官身者首勸唱導受孔子

戒者亦助檀那通欲立欲達之心發救苦救難之願引諸子於  
火宅盡得清涼接疲衆於化城咸生歡喜百八之牟尼未數三  
千之功行俱完行見續命之田種皆是玉通腸之米擲印成珠  
富貴方長文章亦壽並收美報兼致令名供養香花人與在三  
而共戴敬恭桑梓吾先台十而陳詞

惜字會募疏

在昔蒼牙演象激形兆於皇初元扈迎符洩菁莪於宙台禎圖  
涌地寶粟飛天以通神明始制文字美矣哉煥矣哉然而爨  
或爲始露端倪竹簡韋編不勝繁重動費瑤華之載彌珍宛委  
之藏今則湘管方操無嫌蠶蚓刻隸乍展便擬塗鴉疥壁爭豪  
災梨乞膏會計雜乎米鹽之用研摩極之滌瀾之間不免鄰草  
飄階江花委土飽鱸魚之三食供懸臘之一餐此行路關心不



忍聽之風雨豈吾徒屬目可憑過若雲烟也乎矣合同人共襄  
勝事爲善有同於采薇積功要等乎拾樵料月會之錢量入以  
紓其用稽日納之簿儼出以給其酬庶幾返梅檀於委灰之中  
拔蓮華於淤泥之內一肩可任隻宇不遺所望儒林丈人讀書  
種子各有傾囊之助川資行脚之勞鑄橫財卅六爐何如此寶  
埋禿筆十八甕莫比其功從此占陰德之星食文章之報吉金  
貞石同垂延壽之銘密葉重花預織登科之記

募重修吳山寶成寺疏

杭州寶成寺在紫陽山之東吳越王妃仰氏建也舊號釋迦之  
院改額祥符之年名花一叢入東坡之詠梵相左壁記畏吾之  
文歷代以來遺蹟尤著若夫星拱方構虹梁始申分使宅之錢  
獻龍王之藏布金之地如界綵繩滿月之容亦描鸞手房闢青

豆座涌寶蓮九子鈴搖頰撤後宮之飾五華花散即成善女之

臺廣締勝緣宏修淨業藤蒲整拂龍象周環亦如發心院中十

寶施於錢氏回峰庵畔一塔表乎黃妃並隨香火之緣各顯莊

嚴之象然而山河影幻富貴烟銷花辭陌上之春銷脫山中之

樹雖婆留井在而玉鬢都非雖靈石墳封而金蠶已出

仲妃墓在靈石山故

馬何况嵐毘之風更猛昆明之劫方過雲臥禪牀鳥巢佛髻打

翻破竈虛飄瓔珞之塵吹起布毛莫補袈裝之地旁舍既憂其

彫剝大嫂行見其傾頽瓶鉢俱空棟梁誰任每逢落葉冷莫遮

頭獨立青苔寒將到踵夫頭陀製碣稱釋網之更維淨惠摛文

率法螺之再唱豈有名山巨剎竟歇鐘魚前代琳宮半荒瓦礫

而忍不加被飾終任淪胥者乎伏願長者發心宰官喜捨結五

根而成性宏六度以爲檀尉遲庫之錢憑之一帖子敬家之米

指卽連囷則吹海水而作須彌聚後雲而爲蘭若法輪重轉慧  
日常懸虹挂新幡頃流傳樹光明普照如燃貴夜之燈功德無  
邊勝造金之塔

有正味齋麟體文卷二十

題辭

宋高宗中興瑞應圖題辭

自圖緯之書尊爲內學符瑞之志創之使家於是鉤識歲雜朱  
黃之瑞當塗典午之徵取效後來炳然前載揆之人事合以天  
心惟九五之飛龍受泰元之神筴矣有宋高宗丁元二之厄兆  
赤九之祥泥馬行天金牛拓地五遷之王繼陽甲而興三讓之  
君卜橫庚而吉帝心所啟神器有歸修中興之禮書上神堯之  
尊號一時拔張史冊被飾丹青靈貺畢甄亦固其所乃論者謂  
其倉黃南渡隱忍北盟燕頰處堂鼠同入角甘納二郎之士竟

錢塘吳錫麒聖徵

忘半臂之書遂使雪窖冰天攀龍鬣而恨遠荷花桂子騎驢背  
而愁長江山不完天水欲碧猶復侈陳寶命騰耀珍符旣大駭  
之難言何片縑之足重乎不知識興銅馬邗邪亦是偏安禍構  
青驪靈武何嫌正位高宗之失惟在聽權臣之歷口共備國以  
戴天致成隴黍之中原莫返晚霞之世界蓋其末造之不綱非  
其始至之有歉也昔有子齡於夢當璧於庭卜筮決行留門待  
啟亭記玩鞭之號地傅危渡之名者莫不克享神釐用昭天授  
際此維新之日適逢乃眷之麻鍋未銷金縢先殺粉霞搖五色  
露灑千珠憑院體之精工發神光之焰爛翫其景象猶述王氣  
於九邊敝以雲煙豈比馬家之一角哉今者山河小影月裏空  
留翰墨前緣酒邊重省者古有資於稗史題詩已遍乎簾箋一  
者輪贏可悟棋中之劫手秋指點無非夢後之梁不備縉明上

河之圖燈火樊樓之句前塵往跡回首都非而更轉蝦蟆聲來  
白雁應徧如響數若難回一代之間興亡忽焉不可不察也

南宋書扇摹本題詞

莫頤亭侍郎以南宋書扇摹本見示屬題其端竊念花鳥千秋  
西湖最勝江山半壁南渡偏安行樂者藉以賞心懷憂者謂爲  
失計然而夢梁之枕易醒離黍之歌已闌老樹冬青長天水碧  
問銅人而無語嗟泥馬其安歸惟此零落羅幃飄蕭金粉重邀  
翰墨再寫丹青索我一言因之三歎蓋高宗以孱弱之主託中  
興之名隱忍仇讎耽樂游宴黃羅棋子幸入乎九宮明月刀環  
竟忘乎二聖乾安樂奏瑞應圖開錫號銷金園名聚景淡柳濃  
花之賞只說錢唐殘山賸水之遺付之畫院而此扇也煙染猶  
活霧霏更香分一波於長短橋邊移碎錦於東西陸畔冰綉巧

製粉本恭呈皎月團圓清風開闔望柳陰之前面船放總宜認  
茅屋之舊游地經留下其上題詩云芳草西池路柴荆三四家  
憶曾騎款段隨意入桃花葢高宗宸翰也瘦金之格如仿乎宣  
和屈玉之章早鈐乎德壽宮殿之秋欲到山河之影空酒敗篋  
貽來逝波脊往侍郎因古懷之根觸煩妙手之臨摹蝶痕未撲  
而先留蠹粉已消而復聚問繁華之世界幾換炎涼歎潦草之  
光陰頓成今昔秦源何在隋苑同迷不過盡寒食之天替懷粥  
漠寫清明之景借慨上河而已嗟嗟聚頭難得愁膽五國之城  
障面奚煩甘饗二郎之酒已失中原之大局何爭一角之斜陽  
迨至三日潮遲六更鼓駭老將騎驢之路淚灑何人相公關雎  
之堂昔荒今日玉墜難求於魚腹珠鞍已出於人間能不悲哉  
能不悲哉余以生居斯地耳熱前聞憑一物之流傳論百年之

興廢聊疏短  
引用綴大凡  
若夫懷袖承恩  
宮闈紀豔無關  
鑿戒不在鋪張云爾

石琰堂修撰重集蘭亭字題詞

憶癸丑上巳  
余居真州積陰沉宵長雨彌晝愴織麩之落影感  
絲羽之歛聲  
辰告勝而高懷莫騁  
流水相競而清觴不登  
思采華掇芳練  
情於往述迷偶曠絕好音從風不足濫管  
竝辱烟楸也  
曷景倏忽素商流空  
偶有薄游弭楫  
邗上轉運曾公舉秋  
禊之會招諸名流  
率率以往蘭草未歇  
竹枝自修密吟轉清  
跡酌彌永引睇崇乎  
千載巡衿洽於一時  
雖事異古今而往來  
若續雖候殊溫肅而  
俯仰並欣因仿蘭亭  
詩體賦四言五言各  
一章今刻於邗上題  
襟集者是也其年琢  
堂修撰持湖湘之節  
收杞梓之才山郵正  
長波路或阻慮無暇  
冥求往跡劬思昔賢  
乃



端而匪遙晤之於山水輕綦用紹赴之以性情今年春出所集  
修禊序示余即癸丑作也鈺覘兼呈推拍無跡文采流溢宛在  
永和之年風湍滌洄如行山陰之道知其神明相結信有味焉  
非可強同矣然而宇宙甚大納之在方寸之中耳目至近推之  
極千里之外若能元覽周洎澄思杳冥有觸斯通理一而已沉  
樂行憂違古詰之本懷希彭悼殤生人之恒致標茲遠度映我  
宿心脉胎一陶莫非成於所遇因述昔者竝綴諸文

六月二十三日澄懷園觀荷詩題詞

澄懷園本索相國別墅後入於官當其高閣峩風飛橋架水紅  
生花笑迎丞相之車綠響苔基聽尚書之履爲蓬萊之左股亦  
清微之別天也新宮不戒舊址都非後稍葺爲一內廷翰林公  
寓余以丙辰二月被

命人直二尚書房遂來園居連櫺通謁近局招邀想金碧之嵯峨翫水木之明瑟惟池西小樓猶存前構錢撫棠中允批寓此題曰蓮葉西齋者是矣夏五月

駕幸熱河入直諸臣皆

賜休沐余以城中無寓仍留園居流水周環芳草未歇菰蒲之氣雜襲乎琴書鼃黽之羣交游乎庖湍人事罕接墊趣彌多未幾水芝作花紅錦溢目靈妃之佩騷客之衣若擁余於雲水間也會法時帆祭酒式善招集詩龕飲興方濃斜陽已促余以重闔之隔倉卒抽身而劉松嵐刺史大觀家山尊孝廉孫聞藕花之盛促騎與偕出西直門暮景告臻暝色浮動風蟬不斷水螢自明航寂趨幽遂忘僕僕又十五里抵園簌簌之聲則槐黃灑地幢幢之影則樹黑塞天爰就南軒廼開北牖水態涵遠煙姿

積翠鷗遊勞

而歸眠魚闌涼而出戲花迷處所盪清氣以爲香

葉散玲瓏響

四殿而作雨蓬窻宛在兼有釣筒江鄉宛然惟欠

菱唱於是尊

開綠蠟舌卷白波剌蓮子以充羹雪藕絲而作饌

嗚嗟可辨謠

詠相誇因酒增豪爲花益壽蓋相傳是日荷花生

日也嗟乎頻

年竹醉有負此君二月花朝果誰初度何意今番

之纒縈竟逢

我輩之疎狂蠟燭高燒未教睡去金杯低酌常祝

閑時未幾殘

月生林冷蛩號砌始各就寢明日同以詩紀之而

余復爲題其

端將以補草木之春秋驗醉鄉之目目去爾

七夕澄懷園讌集詩題詞

七月七日桂

未谷 法時帆趙味辛 樓玉 洪一存 亮吉 伊墨卿

素綬 張船山

尚陶 何蘭士 蓮生 來園觀荷值雨大作賦高車

過汎汎若舟

澈公子之來翩翩如鷺襟帶淋漓各解於床童僕

離披尚戴平葉旣釋勞苦旋生歡娛涼逼鬚眉香逆口鼻徙倚  
庚辛之檻洞開了鳥之意惹捧千盤花爲四壁堆成豔錦入烟  
光而亦波瀉落明珠雜簾溜而同響於是據石避句臨流作書  
君子之風先傳於筵是日詩筵爲未合名士之酒已設於尊次公醒狂  
鄱陽暴賦引滿相勸豈醉不知老鬢忘羞且簪花而飲董心猶  
在或踏浪而嬉暝色旣催去留各半雨聲未止談諧轉深感別  
緒於人間念離情於天上匏瓜無偶銀漢常橫酒冷燈殘言之  
蕭瑟後數日彙所爲詩裝潢成軸余重爲題之俾未谷携之滇  
中以慰他日相思之念云

陳桂堂太守詩餞題詞

過屠門而思嚼逢翹車而流涎徒爲口腹之人誰得詩書之味  
若夫鱸魚秋候苦筍春期尋鄉夢於半江締歸心於一箸則青

山當席白水承杯逸興催來吟心併入遍飭芳鮮而取淡歷經  
傾漱而得腴若桂堂太守詩饑一編可謂闢登雋之廣場極鍊  
珍之奇趣者已論者謂其敦心舊雨悅志古風猪肝旣不以鼎  
人鵝炙豈嫌其齋已則守儒門之淡泊略世味之酸鹹又何必  
自求口實哉不知星宿各箕卽寓彘頤之象雲雷飾鼎兼舉饗  
饗之形而祝書可澆習花原堆吻醉鄉開拓正待詩人食藉鋪  
張自稱饒守遲鴛羹之老手快饒餅之殘牙字裏咀含何申樹  
酌凡壘儂字韻詩百有餘首皆和唐陶山明府作也老饕健在  
屬糜欣然和之爲骨董之羹釀之皆真一之酒此殆啖芻豢之  
三百未覺爲多食雞臠之數千尙忘其飽者乎僕飢腸易轉腹  
本愁枵食指空搖氣先欲餒隨慣看其游宦羊或夢乎蹴踖辱  
示瑤華如嘗禁饒口難辨味齒但生津願先導以柳葦冀同馳

平屬傳他日放秋江之棹踐長洲之游菱角方紅葦絲正綠重  
新舊韻別譜新詩則回味堪求清饒藉解花明玉軟須分刺史  
之酥月白風清請說吾家之餅

醉司命詩畫卷題詞

夫司命據上台之尊祀竈稱孟夏之典自東厨之號見於道書

臘祭之行昉於陰氏有所有報宜君宜于矣隋國祭廟之禮君等  
所統歸司命之神若

夫漉漉糟塗匆匆醴醑謂欲捫其赤舌罷彼綠章神號聰明事

同遊戲敢望馨香之感聊仍風俗之遺軟脚三巡齋心一獻斯

時也雪花撲地爆竹轟天轟嶼影而紅搗剖羊腔而黃薦灰堆

待打鏡聽當來松燭小把之柴茅縮生頭之酒膏騰醉淡利市

償念請廣樂府之新篇用代神絃之雅奏爾其光明示象調劑

屠功建絳節之歲蕤被黃衣之颯纏我我者髻來若美人索索

一可正長卷并卷之卷二下

於庭祭之老婦鬼神方驗能招午夜之靈兒女情多可補小名

之錄

五經通義雜神婦姓王名博相字卿  
是西陽雜俎神有六女者名察洽

官府既稱於上盼眷屬且比乎

人問斷不至訴約三尸窮攀五鬼其低抑而作態或滿調而誣

天特是客舍蕭條常憂炊斷儒門淡泊并少羹調煙塞數楊雜

勞薪而大驟酸封百甕按食籍而論壘安能歆以芬芳從其嗜

好以視東家鼎列西舍鐘鳴耶食猩猩脣妾食鯉魚尾得母酒

車斟酌眼熱處師之傷飯甌蒸騰齒冷飢人之夢也乎然而蜜

漿瓊勺不如杭肴瓠脯之甘也畫卵雕薪不如土銼油燈之適

也如其久習清貧漸志富貴則字原爾煮琴豈嫌焦嬾僕憑楊

嬌兒許跨大可聯盟於晚歲何愁逼處乎謬臺爰合同人各分

一體爲迎爲送應宮庭商成醉司命辭若千首屬兩峰子繪圖

傳之嗟嗟白玉難炊黃金空鍊聽細腰之鼓臘尾可憐胎膠牙

之飴童心陡觸猶幸素郎有顧遂坼紅泥近局可邀還同白戰  
神既醉止我亦陶然玉鳳飛空銀龍掣影朝天好去忍瓊樓高  
處之寒拜命言歸錫草野年頭之福梅花欲放柏葉重斟萬井  
煙生一天雪止熏之沉水何妨臥壘仍來媚有新詩盡不踞觚  
且聽

添香女史小照題詞

女史姓馬小字彩揚  
州人查小山婦人也

但描瘦影卽是梅花爲對紅粧自燒蠟燭亭亭如此舉舉可憐  
點屐無聲畫眉有譜照來清豔况逢明月初三洗盡鉛華纔稱  
東風第一則有添香女史者乃吾友小山詞客之姬人也扶風  
舊家廣陵慧質神錦五色錄補小名瓊花一枝歌傳大捨渡頭  
接汝心上憐伊圓成如意之珠交綰合歡之結來歸燕子最愛  
雙棲打起鶯兒還甘同夢宜其帳留嫩雨褥隱癡雲謂我輩之



多情幾是鄉之可老間因酒坐爲地吟心誇彼柔些索余軟語  
今夫三心五噉象著列星四角中央詩徵樂府旁妻窈窕女子  
聰明往往帖寄深情文稱蕙業當此寒交三九花放一分方施  
撲粉之粧待下燒香之拜逡巡出手宛轉擡身釵橫玉而郎兜  
鏡楷冰而妾對餘醒苦澹渦暈黃嬌凍管教呵眼生紅笑幾處  
簾櫳之影一番花葉之書匪春女之能愁實冬閨之可詠於是  
流黃罷織虛白旋生樹底春淨窻閒紙醉轉雙聲而讀曲依十  
索而裁箋貓奴可來爲徵故事羊羔不設但煮新茶小語啾啾  
效羅浮之翠羽短書珍重署蓬萊之碧仙每至灰隔水沉薰銷  
蘇合停燈欲暗折紙猶聞不必詢師曹之琴擁樊通之髻而上  
頭之夫婿已慣嬌花江汜之嫡妻亦知籠柳也僕語慚黃絹  
詞愛烏絲當妙繪之展看宛佳人之獨立繡出神針而莫比量

來錦瑟而同長影亦難離色真可駐寫中婦之豔圖作花光揚  
少女之風盪爲香氣劍響似搖於紙上釵痕曠劃於窓前平視  
無嫌莫避席間之公幹端詳活脫再看膝上之阿侯

跋

戴春塘家藏松隱居詩畫跋

夫述祖德者興思喬木懷舊隱者寄慨煙蘿良以理貴崇瞻情  
存幽契故也松隱居者元戴叔能先生故棲山抱九靈松分五  
粒標新韻而逾古結寒姿以當春先生思樂在林遁奇於野有  
雨皆舊惟雲得停倪迂爲之製圖青邱因以奏詠雖潞溪之題  
山谷天柱之寫巨然亦何以尚之哉年載易史巖壑無改賢孫  
春塘以後來之秀揚前哲之芬惓惓之意彌勤竊竊之懷斯託  
旣示茲繪并誦曩篇十影九形恍席月於青障一唱三款想眠

琴於綠陰高山之云企焉曷旣

詒晉齋詠趙忠毅公鐵如意詩卷跋

夫千秋非可冀傳之者貞臣一器何足珍重之者君子是以舊  
司農之笏血灑元黃彈信國之琴聲淒風雨若夫邪蒿未拔隆  
棟將傾丹不忘心碧難埋地箕尾縱歸於天上精靈常託於人  
間吾蓋讀題趙忠毅公鎮如意諸詩而尤有感焉方其祥麟特  
出威鳳初鳴嶽嶽於朝錚錚此骨聳四凶之危論埽羣豎之姦  
鋒用汝爲觸邪之羊風生搏擊用汝爲屈軼之草志効驅除捉  
搦與並捉搦起舞直欲唾壺擲缺珊樹敲殘而楚魄幾沉莫盡  
指揮之用秦冤難洗翻懼鍛鍊之災嗚呼悲矣於是雁門戍去  
黯黯投荒郵墓經過迢迢訪古囊裏之冰虬欲吼雲中之蹇驕  
難歸東方未明硯借舊侶東方未明  
公埋塚也西臺慟哭竹奏先聲孤負佳

金馬車書八九激揚勁節摩華豈止再三鑄非錯而奚尤賜  
有環而誰沮剛冰不折堅豈能磨風將振世之懦頑物亦爲人  
之愛敬嗟嗟荔枝委鬼化何處之蟲沙石馬銅駝掩前朝之荆  
棘而一枝冷鐵絲字殘銘古入鱗紋香留昔鏤佐高齋之燕賞  
供名士之品題追俊及而論芳型合鄒枚而裁新句似吐成虹  
之氣肝膽俱寒如聞擊石之聲鬼神亦泣例同白戰請摩詩國  
之心兵事在青編還助史家之談柄

明楊君謙七人聯句詩記跋

昔邠嘉賓好聞棲遁阮思曠少無宦情惟其澹心如市之場拜  
志在阿之詠故能自盟白水取鑿浮雲然人當知朝簪遂初服  
塞驢就道襍被還歸又未有不臨祖帳而徘徊撫朋觴而繾綣  
者吾茲讀有明楊君謙七人聯句詩記而後知其情之有不能

已也君謙守老子之戒履幽人之貞慕秋味於尊鱸締冬心於  
竹柏旣已詩成招隱鼓促回帆而乃舊侶遮留同官餞送挈榼  
提壺而至聯裾接轡以從晚雨一天酒人幾箇相與翦燈而語  
徐開折紙之聲宛轉聯吟循環互唱簷花細落如開主客之圖  
篷清暹催已入江湖之夢合七人成聯句詩二十一韻自述詩  
七首互相贈答詩十四首而君謙自爲記紀之言之長誼之重  
也今戶部楊君蓉裝得其遺草想刊行之而屬余識其後楊君  
方精假歸里余亦以乞養將還山水之情無閒於今古萍蓬之  
興可喻諸隱微則開浮蠹之尊訂隻雞之局舊雨今雨青苔之  
榻無虛長謠短詠金谷之例斯在采蘭寫樂折柳言愁傳之後  
來不又有與斯卷同爲珍惜者乎

趙垂書先生梅花集句詩

先生名紳上海人祖魏  
扶海柳葉洲之祖也

夫曠行茂之句一字稱師表季迪之吟兩言絕唱則大垂垂玉  
照豔豔春浮情味相融風流極賞撫瓢酒肆時遇綺衣負手茅  
簷還索清笑一時鋪張韻致布寫瓌姿或芳溢百篇或華敷全  
集博收約取神而明之此垂書先生梅花集句詩所由也觀其  
氣積於遠足馭夫古人境得其深若先乎作者崇替在選耐莠  
交銜妙采幽微自成馨逸翠羽晰晰和之雜佩之聲鹿胎斑斑  
助以古昔之色借橫枝之清瘦夾密朶之玲瓏瀾隨無癡蟾盤  
有影可謂琴百衲而尤韻裘千腋而愈精者矣往者道還飄零  
殘縑散佚幾作蛻形之鶴將供食字之蟬合孫覿懷侍御從閱  
市之餘遇還珠之日寒當徹骨香竟返魂一卷傳看幾生修到  
團雪散雪觸手而春自生南枝北枝裹頭而吟早遍鉛華不著  
烟水如攙捉筆疾書想見玉鱗之舞呼燈細讀儼聞銅笛之吹

思元主人風雨遊記跋

結賞於烟蘿之藪攀歡於魚鳥之鄉此其謝跡靡塵潛心軒冕  
非所謂白雲北潔詞松並高者乎余蓋讀思元主人風雨游已  
而歎其意致之翛然尤遠也方夫公事有閒意行無擇流飭落  
日澄觀夕波花斷檣橫林虛岫入漁釣之趣如得之畫中槐柳  
之陰金碧於空際性情所託物我相忘矣而乃天助奇懷雲開  
異色巖聲吼而風已及水氣腥而雨驟來霧捲烟噴雷轟雹擊  
大魚欲立羣鷗亂飛路黑一條泥深徑尺當斯時也祝冠裳爲  
蓑笠履原隰若江湖狂飈駭乎耳邊流泉鳴于脚下燈火遂絕  
僕從譁然獨能無損天機彌騰逸興胡盧失笑獨漉徐歸裊濕  
翠之滿身剔乾紅之一穗拈毫莫已申且忘疲以幽微要泚之  
思寫恫恍迷離之境林滴方歇酬以清音荷香若來盪此涼句

落落乎不復知有人間世也夫古來四國多士平臺盛寶或載  
飛蓋以填街或應鳴笳而啟路曜靈甫晷華燈繼張莫不極聲  
貌之娛縱談諧之樂若夫烟山冥陟風水奇吟身歷蒼苔目窮  
峭蒨如少文雲泉之志坡公笠屐之圖高致勝情莫能及已

曹慕堂先生紫雲山房詩集跋

余乙未成進士與曹君定軒爲同年見其望望竭誠懼懼顧義  
謹數馬之五銘循牆之三固知厥德不回其來有自矣旣而謁  
其尊人慕堂先生則先正典型前輩矩矱溫肅之氣備乎四時  
汪洋之波挹之千頃爲善更甘於采菽守身有鑒於慎桃李  
云言有壇宇行有坊表者非先生之謂乎其廳事前有古藤一  
本當繁英透格新香撲簾輒召賓朋得侍吟譚編茗句疾而茗  
酌先酬擊鉢聲遲而觴情已暢先生尙倚筇花畔駐屐苔間獨



寫幽悰自標奇致故名詩曰紫雲山房集者志不忘藤花也夫  
先生負宗彝之重抱竹柏之貞當其進而立 朝也則焚蕉之  
稿易廢乎敲鏗及其退而養疴也則攝生之方更懲乎雕刻似  
乎櫛句締章之學未殫鍛年煉歲之功但當專論事功而推性  
始豈必侈附庸於風雅求別調於宮商及受其詩而讀之又復  
刮毫晰釐練青濯絳風雲之氣鸞鶴翔空山水之音薜蘿在眼  
旨哉得味之僑淵乎談理之深是非根柢槃深又安能技葉峻  
茂如此哉今先生已歸道山令嗣定軒昆季刊其遺集屬余一  
言余夙侍元亭叨聆緒論愴梁陰之載缺企龍門其已遙然而  
海上移情尙賸刺船之響墟頭感舊難忘擲筒之聲則精氣常  
存神明不泯名花二月詩卷千秋一再誦之如和與唱歎於藤  
陰風雨閒也

家笛船吟遊舊別詩跋

某水某山此去之勾留不少春波春草自來之惆悵原多柳搖  
欲斷之魂花染將離之淚別風感我淮雨催君腸裏環旋九回  
未已笛中波折三疊乃深酒罷故人歌聞勞者明知後會之不  
遠祇愁來日之大難玃鳥蠻花指征夫之前路白雲紅樹慙遊  
子之歸心藉蒯爲猴好彈長鈇煩魚作使早寄短書聊借引伸  
用酬淒眷

小滄浪閣題榜跋

屈子香辭家於當湖之濱菱荷殷生醫醫疎布月明風熟則曳  
舫相聞霜且晴初則鳴榔厲響爰建小閣實枕斯流榜曰小滄  
浪焉興托嚴人歌取孺子直烟宜雨之賞配有紅樓濯纓濯足  
之思鑿茲白水

何春潛哭子詩跋

丈夫亦憐少子暮景堪娛詩人尤愛嬌兒書聲可樂而乃小冠  
宛在短檠孤存珠不常圓花惟有夢亭感千秋之號鏤虛再世  
之緣信琉璃之勿堅奈瓊瑰之莫制此吾友春潛哭子詩三十  
首所爲腸經九轉而淚落千行者也爾其奇穎發翹冲姿結秀  
市皆呼璧氣更如蘭吐雛鳳之聲清學阿翁之吟苦眠同雪被  
讀伴瓊燈醉仗能扶書教代檢每憶斜陽下學之地春風上冢  
之天戀庭闈而可憐撫棠梨而亦歎曇花偶現母乃前身玉樹  
生埋竟成宿誠嗟嗟滿天芳草難尋思子之靈幾處啼鴉莫替  
傷心之語茫茫異路宛宛平生一筵詩理三杯酒欠遊奪石麟  
而去倍逾金鹿之哀憤不能平輒效東方之罵鬼有何足憾甘  
同子夏之呼天惜子童烏傷余孩赤縱少舞雙之顰亦居第五

之名而旅觀京華羈魂與地縈衣欲朽麥飯誰供展誦斯編重牽舊緒反袂拭面有餘痛焉

讀張仲亭孝廉黑小子傳戲跋

北方謂酒之器也純沙土房之其質雖黑故名仲亭飾以金玉

且寵之以傳  
賜余為跋

渺渺前身定葬陶家之側迢迢華胄得母水帝之孫結成傀儡而須澆狀似焦餒而更短土銜油燈之側祇覺情親文螺翠杓之傍終慚形穢則有三閒茅覆一桁帘挑霜冷停驢風尖歇擔拉雜進饒僮之餅瑣琤鳴醜妓之絃斯時也脫帽狂呼踞瓠大嚼捉以懸槌之手登之折足之筵歌邑中黔俾我心之寶獲陪籠下養幸此貌之無憎一斟一酌而膏液沾永夕永朝而煤良積漆身自効聊承之於偏提澀膽何辭願酬知於大戶然而坐爐火之上尾已徒焦溷入海之中脚其安插感搏沙之身世託

逐熱之生涯固已分棄斗筭甘埋塗炭不謂以此侏而刮目爲  
混沌而畫眉歟沐有加遭逢特異金玉飾其外蘭芷謀其中被  
以寵光錫之佳傳醉鄉草制游戲斯文酒誥承家嗚呼小子當  
壚許配會逢上古元妻臥甕能來合喚吾家黑面

贊

魏忠節公暨孝子孝烈先生像贊

并序

明至熹宗隆棟將傾太阿例授童心猶在戀黃襪而投懷闕  
方張掩紅陽而見沫晨因牝扇門欲吐飛積城狐社鼠之威成  
金虎宮鄰之禍遂至辱矣夫於威威隕縵輔於圍屏心煉彌丹  
血埋更碧如魏忠節公暨孝烈先生著父作忠臣子爲孝子其  
事尤可述焉蓋公砥節廉隅東條純約餐清絜於蟬蚓毆惡甚  
於鷹鷂當臺垣滄擢之時正鬼域潛行之日青蒲屢依白華無

繞杜包苴之行絕焉蘿之附肅清仕路簡上飛霜搏擊宵人眼  
中有缺激先弧於塗豕忘後患於非蜂時孝烈已深憂之申屠  
觀勢而灼幾康節聆聲而燭亂履霜怵志集賢寒心挽之不得  
也遷謫既加毒痛未已羅織之經百出甘陵之部盡分緹騎晨  
飛檻車夕發天風鼓怒海水沸愁星占貫索而偏明獄比同文  
而更慘黃芝擢地兆應草妖白骨撐天冤沉稟席竟躡膺滂之  
碎首卒同喬固之暴尸香不可爲禍無此酷孝烈始則蒼黃掩  
泣削鬪潛行亡命託李馬之家營救望祁奚之功既而黃沙痛  
隕廣柳扶歸氣蘆絲連骨逾柴立終辭藥餌傷心獨活之名水  
謝燈光俯首重泉之路模糊血淚宛轉呼號萬古流哀一身殉  
孝蓋其以毀卒也後公纒百餘日耳嗟嗟茄花委鬼立見水消  
義子乾兒都隨樹倒赤古徒勞其簣鼓金書早鑒其精誠

孝烈宋  
之時臣

八先夢見中諸歷  
地有金堂出華坊

四才工步列 卷之二

所惜中外驛豎衣冠塗炭任豺狼之當道事已可

知驅虎豹而守關天何此醉既深其執熱潮風之患更益以逝

梁發鶴之變卽有英主鋤姦崇祠表節祭演亭之墓大鳥能來

陪元祐之碑震雷自厲而本根早撥元氣難扶鉤黨捕而漢亡

清流投而唐滅嗚呼痛哉是卽圖繪矩然神明煥若威餘繡豸

嚴蒿目於朝端泣罷啼鳥尙墮聲於紙上同在東林之錄先振

清風試尋北海之亭常留孝水

時諸遊廟子弟皆主麻忠節  
公江州北海亭孝烈亦在焉

而況顛天

歷愆更踵跡於金陀矢日明貞復爭光於漆室顯一門之志節

扶千古之綱常首掉扁舟曾仰武塘之松柏今瞻遺像倍欽男

子之鬚眉爰爲贊曰

忠孝庸行危苦搗奇風逞錫駭婦孺涕洟維喬與梓蚘蠹其枝

磅礴積騰雲降螭嗟彼重昏亂是月長媼相毒流陰臣維養

載鬼一車織貝萬丈虔劉善人禍劇鉤黨神羊峩峩覓邪而觸  
讒虎眈眈遇正而逐匪惟逐之必將殺之糜膚潰體畢命奚辭  
叫天無辜哀哉孝子父生兒生父死兒死雖死勿死求仁得仁  
斯父斯子卓然完人白日登光羣陰消熄胡陰之消已離之戾  
孽始人痾慘沿蛾賊爲蛇爲虺終隕社稷敬觀遺像悄乎憂深  
積痛於骨飲淚於心起懦立頑感極古今掩圖太息霜飈颯林